

Broj: 73-11-3-13317

Datum: 11-04-2025

Na osnovu člana 64. stav 1. tačka a), člana 25., člana 70. stavovi 1., 3. i 6. Zakona o javnim nabavkama (Sl. Glasnik BiH 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), člana 48. Statuta KCUS-a (Sl. novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (br. 65-04-2-4654), na temelju Izvješća o radu i Preporuke Komisije za nabavku broj: 73-33-4-11643-3 od 08.04.2025. godine u postupku javne nabavke "Molerski radovi za potrebe KCUS-a" V.D. Generalna direktorica donosi:

### **ODLUKU o poništenju postupka javne nabavke**

#### **Član 1.**

Poništava se konkurentski zahtjev za dostavu ponuda u postupku javne nabavke "Molerski radovi za potrebe KCUS-a" iz razloga što nijedna od primljenih ponuda nije prihvatljiva, a sukladno članu 69. stav (2), tačka d., Zakona o javnim nabavkama.

#### **Član 2.**

Ova odluka objavit će se na web-stranici Ugovornog organa istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

#### **Član 3.**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

#### **Obrazloženje**

Postupak javne nabavke pokrenut je Odlukom o pokretanju postupka broj: 73-11-3-9069-1 od 10.03.2025.godine. Javna nabavka je provedena konkurentskim zahtjevom za dostavu ponuda. Procijenjena vrijednost javne nabavke bez PDV-a je 70.000,00 KM.

Obavještenje o nabavci broj: 893-7-3-91-3-454/25 je objavljeno na Portalu javnih nabavki dana 14.03.2025. godine sa tenderskom dokumentacijom.

Komisija za javnu nabavku imenovana je Odlukom broj: 73-04-4-10905 od 24.03.2025.godine.



Komisija za javnu nabavku dostavila je Izvještaj o radu i Zapisnik o pregledu i ocjeni ponuda sa Preporukom o poništenju postupka broj: 73-33-4-11643-3 i 73-33-4-11643-2 od 08.04.2025. godine godine u postupku javne nabavke "Molerski radovi za potrebe KCUS-a".

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna);
- da je blagovremeno zaprimljena 1 (jedna) ponuda;
- da nema neblagovremeno zaprimljenih ponuda;
- da zaprimljena ponuda Grupe ponuđača „NEIMAR“ d.o.o. Sarajevo (predstavnik Grupe ponuđača), Prag d.o.o. Sarajevo (član Grupe ponuđača), nije prihvatljiva iz sljedećih razloga:**

Dataljnim pregledom ponude grupe ponuđača NEIMAR d.o.o. Sarajevo i PRag d.o.o. Sarajevo, Komisija je većinom glasova, uz izdvojeno mišljenje jednog člana Komisije, konstatovala da je ista nepravilna, jer ponuđač nije dostavio Aneks 3 popunjen u skladu sa tenderskim zahtjevima. Ponuđač nije upisao jediničnu cijenu za stavku 10 u cijelosti, tj. upisao je cijenu za „Visinu skele 7 m“ u iznosu od 10,00KM bez PDV-a, ali nije upisao cijenu za „Visinu skele 12 m“. Ugovorni organ je u napomeni Aneks-u 2 TD navedeno „Ponuđač mora ponuditi tražene stavke sa cijenom većom od 0,01 KM u protivnom se ponuda odbija“.

Na osnovu gore navedenog Komisija je većinom glasova konstatovala da je ponuda grupe ponuđača NEIMAR d.o.o. i PRAG d.o.o. nepravilna i ne može učestvovati u daljem toku natjecanja, te se postupak poništava u skladu sa članom 69. (2) d) Zakona o javnim nabavkama („Službeni glasnik BIH“, broj 39/14, 59/22 i 50/24). Član Komisije Muhamed Dervišević, bachelor prava (Službenik za javne nabavke) je izdvojio mišljenje po pitanju analize ponuda, na način da smatra da je ponuda predmetnog ponuđača prihvatljiva, te da je isti u Predmjeru radova upisao sve cijene za predviđene stavke od 1-10 u datoj tabeli.

Nadalje, u postupku ocjene provedenog postupka, V.D. Generalna Direktorica nije našla razloge, nepravilnosti, niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke je utvrđeno da jedina zaprimljena ponuda nije prihvatljiva za Ugovorni organ, jer ista nije sačinjena u skladu sa uvjetima iz tenderske dokumentacije, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2). tačka d., ZJN, člana 70. stavovi (1), (4) i (6) Zakona o javnim nabavkama („Sl. glasnik BiH“, 39/14, 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23) odlučeno je kao u članu 1. ove odluke.

#### **POUKA O PRAVNOM LIJEKU**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, ili preporučenom poštanskom pošiljkom na adresu Ugovornog organa.

V.D. Generalna direktorica



  
Prof.dr. Hajrija Maksić

#### **Dostaviti:**

- Ponuđaču,
- Služba za javne nabavke,
- a/a.